

Powšitkowne WOZJEWJENJA

njedźelu, 10. februara 2019

Zhromadny dzeń za 1. a 2. lětnik

Dekanatne dušepastyrstwo dźěci přeprašuje šulerjow 1. a 2. lětnika pod hesłom „Pój, wjesel so!“ na zhromadny dzeń, kotryž wotměje so srjedu, 27. februara, wot 9.00 do 15.00 hodź. we Worklečanskim Don Boskowym domje. Zajimcy njech so prošu hač do wutory, 19. februara, pod telefonowym čisłom (03 57 96) 8 87 07 abo přez mailku na worklecy-kise@gmx.de we Worklecach přizjewja. Rjenje by było, bychu-li wšitcy w póstniskim kostimje přišli. Za wudawki dnja zběra so wot kóždeho wobdźělnika přinošk, kotryž wučinja štyri eura.

Hłowna a wólbna zhromadźizna TCM

Wšitcy čłonojo a zajimcy su wutrobnje přeprašeni na hłownu a zdobom wólbnu zhromadźiznu Towarstwa Cyrila a Metoda štwórtk, 14. februara, w 19 hodź. do Baćonja. Dnjowy porjad je w aktualnym Katolskim Posole wozjewjeny.

Nowa komedija

Serbska lajska dźiwadłowa skupina Chróscicy z.t. přeprašuje wšitkich zajimcow na předstajeni noweje komedije „Čeplski recept“. Wonej budžetaj tutu njedźelu, 10. februara w 16.00 hodź. na Krawčikec žurli w Chróscicach a pjatk, 15. februara w 19.30 hodź. w Sulšecanskim kulturnym domje.

Smochčanski forum ke klimowej změnje ze Stanisławom Tilichom

Wšitkim je wědomo, zo njesmě so z wobswětom dale tak wobchadźeć kaž dotal. Njedawna klimowa konferenca Zjednočenych narodow w Katowicach je wobkrućiła, zo chcedža so narody prócować, swoje cile k wobmjezowanju změny klimy docpěć. Što pak woznamjenja to na lokalnej runinje? Kotre su wužadanja tule we Łužicy a na kotre wašnje hodža so wone zmištrować? Tele a dalše prašenja maja so na Smochčanskim forumje sobotu, 16. februara, w 19.30 hodź. w Domje biskopa Bena wobjednać. Rozmołwni partnerojo budu něhdyši sakski ministerski prezident Stanisław Tilich, kotryž bě jedyn z předsydow wuhloweje komisije, wědomostnikaj profesor dr. Markus Vogt z Mnichowa a profesor Christian Wilhelm z Lipska kaž tež hłowny jednaćel Misereor monsignore Pirmin Spiegel. Wšitcy zajimcy su k tomu wutrobnje přeprašeni.

Nachwilne božemje w Schmiedebergu

Pod hesłom „Up(schieds)date“ su wšitcy přećeljo Winfriedoweho domu sobotu a njedźelu, 9. a 10. měrca, do Schmiedeberga přeprašeni. Po tutym zarjadowanju, kotrež započnje so sobotu w 14 hodź a skónči so njedźelu w 12 hodź., dom na počtra lěta wobnowjenja dla zawru. Wobdźělnicy změja składnosć, sej wo svojich dožiwjenjach w Schmiedebergu powědać, ale tež zhromadnje sej zarejwać a spěwać. Zajimcy njech so hač do njedźele, 24. februara, pola młodžinskeho wotrjada biskopskeho ordinariata w Drježdžach přizjewja. Formular k tomu je pod www.posol.de wozjewjeny.

Seminary k přirotej na mandželstwo

Přizjewjenja za lětuše seminary k přirotej na sakrament mandželstwa pjatk a sobotu, 8. a 9. kaž tež 22. a 23. měrca, přijimuju pisomnje hač do pjatka, 15. februara, w Dekanatnym dušepastyrstwje we Worklecach. Formulary k tomu su w cyrkwjach wupoložene. Dalši seminar wotměje so pjatk a sobotu, 29. a 30. nowembra.

Putniska jězba do Ukrainy

Putniska jězba do ukrainskeho Lviva (pólsce Lwów, němsce Lemberg) wotměje so wot štwórtka do wutory, 8. do 13. awgusta, ze Šmitec jězbami w Radworju. Hłowne město zapadneje Ukrainy je ze swojimi stawiznami a kulturu wulce zajimawe. Wšako je w běhu swojich stawiznow přežiwiło pólske, rakuske, sowjetske a němske knjejstwo. Wobdžělimy so na příklad na Božej mši po grjekske-katolskim wobrdžě a wobhladamy sej katolsku uniwersitu. Dokładny program móža sej zajimcy pod www.posol.de wobhladać. Přizjewjenja su móžne pola Šmitec wozydłownistwa w Radworju, telefonowe číslo (03 59 35) 28 60.

T. Kubašec

Putnikowanja z busom a lětađlom

Tež lětsa přeprašuju zaso zajimcow na putniske jězby. Prěnja powjedže wot njedzele do njedzele, 23. do 30. junija, z busom do Toskany. Dalša putniska jězba z busom budže wot štwórtka, 3. oktobra, do wutory, 15. oktobra, do Lourdesa, Fatimy, Santiaga de Compostele a do Avile. Z lětađlom podamy so wot njedzele do njedzele, 8. do 15. septembra, na putnikowanje do Swjateho kraja. Nadrobniše informacije dóstanu zajimcy pod telefonowymaj číslomaj (01 63) 7 33 82 05 abo (03 57 96) 9 54 28 (po 19 hodž.) abo pola mje w Hórkach, Sydlišćowy puć 2.

Maćij Hadank

Hlubšo hač přez klučikowu džěrku pohladać

W Marijinej hwězdze wjackróć dny za młode žony, kotrež pytaja za duchownym powołanjom w rjadniskim žiwjenju

„Jeho słowo plaći tebi! Wjace hač pohladnjenje přez klučikowu džěrku. Dny za chutnje zajimowane žony.“ Pod tutym heslom přeprašuju cistercienski klóštra Marijineje hwězdy štyri króć wob lěto k sebi do Pančic-Kukowa žony, kotrež začuwaja, zo su k duchownemu žiwjenju powołane a zo chcedža so prašenju swójskeho powołanja wěnować. Jim skići so składnosć, wšědny dzeń w klóštrje kónc tydženja dožiwić.

Na tutech dnjach spěwaja hodžinske modlenje sobu, dožiwja časy čitanja a čišiny, móža so ze sotrami a druhimi, kotrež chcedža snadź podobny puć kročić, rozmołwjeć a wuměnjec – individualnje abo w skupinkach. Tež sobudžěło w klóštrje je móžne, tak zo móža do monastiskeho žiwjenja počuchać a sej jasniši wobraz wo tymle puću w Chrystusowym naslědnistwje sčinić. Wosebje hódnotne je zhromadne modlenje. Hačkuli njedowjedu tele dny hnydom k wulkemu rozsudej, móhli wone pomhać, swójski žiwjenski puć w jasnišim swětle widžeć. Cistercienske sotry nadžijeja so, zo budu tele dny w klóštrje wšitkim wobdžělnicam wěsta pomoc. Njewudate, katolske respektiwne na puću ke katolskej wěrje a chutnje za duchownej domiznu rozhladowace so žony su w Marijinej hwězdze wutrobnje witane. Sotry wjesela so na zetkanja a zhromadne modlenje, wočakuja pak tež, zo so zajimče na modlenju wobdžěla a zo su zhromadnym nazhonjenjam wotewrjene. Komuž je móžno, tych proša wo přinošk we wysokosći 20 eurow. Tajkele dny poskićeja wot pjatka do njedzele, 1. do 3. měrca, 28. do 30. junija, 6. do 8. septembra a 13. do 15. decembra. Přizjewić měli so zajimče pola abatissy Gabriele Hesse, e-mailowa adresa aebtissin@marienstern.de abo z póstom na adresu Cistercienska abtownja Marijina hwězda, Čišinskeho 35, 01920 Pančicy-Kukow.